

tam ordinaria, quam interlineari stipatum, ut habemus in glossatis *Bibliis*, Capitum hodierna divisione numeris in margine adstitutis, et praemisso vulgari argumento: *Matheus ex Judea sicut in ordine primus ponitur &c.* Extrema Folia nigredine quadam adfecta sunt.

XCI.

- U. 12 Codex membraneus lat. Sec. XIII. Folior. 51. f. eleganter perscriptus et rubricis enotatus, annoque 1540. donatus Collegio suo apud S. *Nicolaum* a docto Praefule *Vien. Job. Fabro Evangelium S. Marci* est, columna media Textum lineis ad recipiendam *Glossam* inter se distantibus exhibens, et *Glossis* utrinque ad latera stipatum. Praeit *Prologus Hieronymi*, ut in *Bibliis glossatis: Marcus Evangelista dei et Petri in baptisinate filius &c.* *Glossae* etiam praeter *interlinearem* e *Glossa ordinaria* delectae sunt.

XCII.

- R. 908 Codex membraneus lat. Sec. XIII. Folior. 125. f. per tres columnas pereleganter scriptus et coloribus illustratus, olim Collegii S. J. *Viennae*, habet *Evangelium S. Lucae*, medio quidem luculente exaratum, utrinque autem *Glossa Walafridi Strabi*, quam ordinariam dicimus, stipatum, accedente etiam inter lineas illa, quam ad *Anselmum Laudunens.* referre amant, prout in *Bibliis glossatis*

impressis cernimus. Initium est a Prologo perperam *Hieronymo* tributo: *Lucas natione anthiocenus. arte medicus. discipulus apostolorum. paulum secutus usque ad confessionem eius. seruiens domino fuit sine crimine. Nam neque uxorem umquam habens neque filios. LXXXIV. annorum obiit in bitinia &c.* Ita usque ad illa verba: *Lectorem obsecro &c.* quae etiam in multis aliis Exemplis desunt. Quae de Uxore memorantur, leguntur quidem similiter apud *Hieronymum de Viris illustr.* C. 7. in quibusdam Mss. et Impressis, sed ea nec meliores Codices, neque graecus Interpres, quem *Sophronium* Autori *συγγεγον* putant, agnoscunt. Vide, si vacat, *Fabricii Biblioth. Eccles.* p. 48. et *Caveum* edit. *Basil.* 1741. T. I. p. 285. Ad calcem Noster litera quadrata: *Explicit. Lucas Evangelista.*

XCIII.

- Codex membraneus lat. Sec. R. 1638 XIV. Folior. 127. f. min. nitidissime exaratus, coloribus speciosus et prius *Bibliothecae Civicae Vindob.* continet *Evangelium S. Lucae* *Glossa* tam ordinaria, quam inter lineas stipatum, non tamen omni illa, quae in *Bibliis glossatis* hodie reperitur; delectus enim arbitrium aut penes Curatores, aut penes Scriptores Codicum erat. Prologi *Hieronymiani* Paginae duae primae prorsus extritae sunt; reliqua omnia optime servata. Thecae anteriori inscriptum:

ptum: *E Maria Magdalena*, unde convalescit conjectura, quam ad *Evangelium S. Matthaei* hoc eodem modo glossatum prodidi: in Sacello *M. Magdalena*, quod olim penes *D. Stephani* fuit, Suppellectilem quandam similium sacrorum Codicum servatam fuisse.

XCIV.

R. 56 Codex membraneus lat. Sec. XII. Folior. 56. f. min. eleganter perscriptus columnis tribus, quarum media caractere grandi textum, extremae minuto glossas exhibent, est *Evangelium S. Johannis* litera initiali cubitali et lineis 2. primoribus deauratis, picturatisque, lineis omnibus ad Glossam interlinearem recipiendam laxis, et Glossae ordinariae compendio ad latera adstituto. Fronti inscriptum: *Sancti spiritus adsit nobis gratia. Inuocate* (Invoco te) *verbum, per quod sunt cuncta creata. Da mihi notitiam de te, da mihi* (redundat) *scribere uera.* Lectio Textus emendata, Divisio in Particulas indicata literis capitalibus miniatis. Ad oram inferam fol. 1. Scutum area rubra, fascia obliqua a dextra ad sinistram caerulea auro tessellata, quod Familiae est Possessoris ad calcem Codicis ita manu propria notati: *Marinus Tomacellus emit amicis eque ac sibi.* Fuit vir hic nobilis *Neapolitanus* ab *Innocentio VIII.* a. 1485. creatus *Episcopus Cassanensis* in citiore *Calabria*, carus Regibus *Ferdinando* et *Alphonso II.* cujus

inaugurationi etiamnum a. 1494. interfuit. Nec plura de eo *Ughellus Ital. sacrae T. IX. p. 350.* qui perperam *Martinum* adpellat.

XCV.

Codex membraneus lat. Sec. R. 3028 XIV. Folior. 54. f. pariter eleganter tribus columnis ad eundem modum scriptus aliud *Evangelii Johannis Exemplar* est, olim *monasterii sancte dorothee vienne.* Folio ult. monetur: *Hoc folium debet a principio stare;* et recte, continet enim, ut in *Bibliis glossatis Prologum Hieronymi in Job.* dein Praefationem Incerti in *Tractatus Augustini super Job.* quae extat Edit. *Maur. Opp. Aug. T. III. P. 2. col. 287.* in *Bibliis vero Glossat.* audacter ipsi *Augustino* inscripta est, demum quaedam e *Postillis Lirani*, et principium *Glossae ord. in Job.* Pagina vero ult. legitur: *Iste liber est Johannis motardi in rupella camor — — — Presbiteri.* Et mox: *Hunc librum testatus est monasterio sancte dorothee Honorabilis vir d. Johannes presbiter et capellanus a. 1437.* Hic si idem sit cum praecedente, et *Rupellam* gallicam intelligi oporteat, bene peregrinatum fuisse hunc Codicem fateamur.

XCVI.

Codex membraneus lat. Sec. U. 61 XIII. Folior. 70. 4. per tres columnas exaratus continet *Evangelium S. Johannis* ita, ut mediam occu-